

書炎以來  
野乘記

建炎以來朝野雜記

著者：(宋)李心傳

出版者：江蘇廣陵古籍刻印社

印刷者：揚州市古籍書店

發行者：玉扣紙本七十元

定價：玉扣紙本七十元

出版時間：一九八一年九月

統一書號：一一一。。(古)。四

建炎以來朝野雜記卷九

乙集

宋李心傳撰

時事二

趙子直正卿楊嗣勛不欲吳氏世襲

虞丞相既沒朝廷復命吳挺爲興州御前諸軍都統制兼知興州充和西安撫使凡十九年矣紹熙五年夏卒於軍於是楊嗣勛總領財賦先事白朝廷乞擇重臣鎮蜀乃以正卿爲制置使宗卿未入蜀而聞挺病甚恐其軍五六萬人緩急無所屬乃見大臣籌之故事帥臣闕以轉運使權至是楊虞仲少逸爲利漕宗卿欲重其事乞令嗣勛往興州攝帥上許焉以爲朝臣出使非制闡所當令不欲行而宗卿以聖旨移

文嗣勛重傷其意卽請少逸權州事而已遙領安撫使未幾併以印送少逸就權人以爲得體先是吳之季歲聞外郡盜賊縱橫皆縱而不治少逸至未久遂捕其尤者悉誅之邊人驚服挺之死也光宗已屬疾不之信趙子直在樞密院用正楊之議更遣張詔代之人服其遠識

### 利帥東西分合

利路自建炎置帥或在益昌或在漢中未嘗分東西也紹興十四年鄭亨仲爲宣撫副使時吳武順璘在興州楊襄毅政

在興元郭恭毅

浩

在漢陰欲令三帥一體乃奏分利州爲東

西兩路東路治興元西路治興州而浩兼金房開達安撫使遙制夔路及京西三郡乾道初金州並屬東路而守臣但兼

管內安撫司乾道元年夏武順改判興元朝臣以其遙制西路軍馬爲不便乃權合東西爲一路以吳爲安撫使而東帥王權改知洋州兼管內安撫司公事吳薨不改漳熙元年吳武穆爲興州統帥李叔永守興州會湯朝美乞分利州東西及金襄荊廬揚爲七路各置文武二帥叔永方申明閒而朝美得罪事遂寢五年復分利州爲兩路以挺帥西路兼知興州紹熙五年夏挺卒張詔代之復合爲一路而詔但兼知興州過興元章德茂侍郎爲帥議損其禮詔知之卽聲言已辭免兼郡不復入銜遂抗禮分庭而去蓋趙子直正宗卿共議本以削武興之勢而論者或以爲關外四郡旣屬興元戎司不能令緩急恐失事機會詔遣閒卒出境而知西和州王季

明愬械繫之趙資政

德老

爲制帥罷季明慶元二年秋復分

東西兩路六年秋郭杲代爲帥嘉泰四年秋吳曦繼之開禧中北伐又以曦兼四川宣撫副專兵比曦之反凡所出僞命皆以宣撫司號令行之由是川蜀一切稟承無敢異者故知子直宗卿削武興之權其慮甚遠猶得祖宗遺意如德老所見特淺耳

### 趙德老說郭杲定策

趙子直初議定策遣中郎將范仲壬告殿帥郭杲仲壬初以國事艱難告之不應又以忠義動之又不應仲壬不得已屏人起立具以西府意達之又不應仲壬乃還子直知不可遂請趙德老尙書往見杲諭指德老謂杲曰彥逾與樞密第能

謀之耳太尉爲國虎臣此事專在太尉杲未及言德老變色責之曰太尉所慮者百口之家耳彥逾盡誠以相告而太尉了不見答卽西府有問何以復之耶子明徐曰致意樞密領鈞旨事然後定其後勲策首拜子明節度使德老有怨言乃亦除端明殿學士

金字牌

雌黃青字牌  
黑漆紅字牌

近歲郵置之最速者莫若金字牌遞凡赦書及軍機要務則用之仍自內侍省遣撥自行在至成都率十八日而至蓋日行四百餘里乾道末有旨令樞密院置軍期急速文字牌雌黃青字日行三百五十里八年十月十三日指揮淳熙二年尙書省又置緊急文字牌亦如之然率與常遞混淆故行移稽緩紹興

末趙子直在樞密乃改作黑漆紅字牌奏委逐路提舉官催

督歲終校其遲速最甚以議賞罰

四年十月二日指揮

明年尚書省亦

踵行之仍令逐州通判具出入界日時狀申省

五年五月二十三日指揮

久之稽緩復如故余在成都見制帥楊端明有命召以丁卯歲十一月二十九日降旨而戊辰正月末旬方被受是日行纔百餘里耳紹興末正宗卿爲蜀帥始創擺鋪以健步四十人爲之歲增給錢八十餘緡以初三十八兩遣平安報至行在率一月而達蜀去朝廷遠始時四川事朝廷多不盡知自創擺遞以來蜀中動息靡所不聞凡宗卿劾疏中所言皆擺遞之報也自後私書叢委每遞至百數由是往來稍踰期自成都而東猶不過月自行在而西或三十五六日云

嘉泰開邊事始

嘉泰三年冬虜中盜起增戍積糧又焚襄陽榷場蓋懼朝廷  
乘其隙也朝廷聞其事卽起張肖翁參政帥淮東程東老樞  
密帥淮西蓋以肖翁揚州人東老池州人欲使護鄉井也又  
起王宗卿侍郎守四明以防海道起辛幼安大卿帥浙東時  
武帥鄭挺在襄陽邊釁開懼不能任力求去乃召還行在旣  
又轉一官知婺州於是文臣無肯行者遂以李燮爲荆鄂副  
都統制兼知襄陽燮與其兄弟爽言世將家皆爲戎帥時東  
老父喪未免力辭改命廣帥薛象先侍郎而象先不行留提  
舉佑聖觀遂命宇文挺臣侍郎代之辟置參機皆非常制又  
徙幼安以次對守京口起趙德老資政守四明出許深甫知

院守金陵深甫不欲行乃命宗卿以直學士院代典留鑰其  
開邊蓋自此始

李季章論正宗卿不當罷督府

正宗卿之罷江淮督視也命由中出執政不知之李季章在  
都堂爭之侂冑不納季章曰凡舉大事未論行事之是非先  
觀人心之向背正宗卿有人望奈何去之侂冑變色曰方今  
天下只有一正宗卿耶因拂袖而起

葉正則不肯草出師詔

韓侂冑將舉兵先以葉正則直學士院蓋藉其名使草出師  
詔也正則諭其意堅辭至三四不受於是用李璧草之

葉正則云

正則既辭又欲命魯鴻父漸以  
少蓬權直院鴻父亦辭遂止

董鎮言楊侍郎未肯通情

武興之亂時人記錄者有新舊安西樓記

安觀文自撰

靖蜀編

宣撫

司準備差遣胡酉仲編

耆定錄

長沙板行不得姓名

海濱漁父記

河州板行

楊巨源

自敘書

上劉閣學者

楊巨源事蹟

益昌士人撰

楊巨源傳

武臣季琪傳

李好

義誅曦本末

李好古自記

復四州本末

李好古自記

實入偽官人數

李好

古自記

李好義行狀

白子申撰

平蜀實錄

楊君玉撰

新沔見聞錄

不得姓字切

齒錄

士人任光旦編

固陵錄

李直院季允編

毛氏寓錄

茶馬司幹辦公事毛方平撰

公議

榜

成都府學士人撰

佚罰錄

朝奉郎趙公宅撰

而士大夫之在新沔者又或

有日錄辨汗等書最後西陲泰定錄乃盡采而輯之取舍是

非一從公論其本末亦麤備矣然必見於簡牘者然後登載

故雖時人所傳其事甚播者有未之及焉曦之遺諸貴人書

也楊尙書獨深止之曦不悅再與費資政書略云成都侍郎獨不相察使曦不從權濟難就其和議北人深入何以爲計相公可爲問之蓋費公所答曦書其詞猶婉而楊公之書其語甚切故也余在田里見四路行移獨成都安撫一司不去開禧之號時二月初矣爲錢引事十六州十六縣各大墨榜一印榜凡六十其後董鎮誅得其遺曦書稿有云楊侍郎未肯通情云

安觀文誅曦勢順

淳熙末安觀文爲文州漕官有薦於吳挺者檄兼利西安撫司簽廳時彭人蘇熙之爲安撫司幹辦公事以文墨自許旁人無如己者挺之館客有李姓者挺子盱之外姻也德壽宮慶典李爲之草表以賀表文中有揚命二字旣行矣熙之一

日挾尚書以進謂挺曰導揚末命此願命中語奈何用之挺大驚追之不及由是李與盱皆恨之未幾趙德老來蜀總計舊例西帥遣屬官一員往迓則計使舉以京秩熙之旣爲盱李所恨乃共薦安公代之德老見之甚喜他日從容謂曰太尉統眾六萬得毋例有虛籍者乎安公不敢盡言則曰某所若干某所若干以實論之可五萬三四千人耳居數月德老以書來曰太尉忠誠如此曷若損六千人之虛籍寬四川之重賦不亦可乎挺得書謂人曰趙少卿入蜀尙新安得知吾虛實此必安丙告之耳乃大怒盱李共爲解遂已未幾安秩滿入都因爲蘇代挺記其前事欲拒之盱李乃言曰使其果有是勢當自疑今調此官以來可亮其無他也安公爲人警

敏凡事盡力挺更喜之爲延譽於諸司改秩而去及曦爲殿  
帥安通判隆慶府又遷知大安軍比軍興首辟隨軍轉運旋  
以救荒有績復遷一官爲朝奉大夫逮其稱王卽除丞相長  
史都省事俄楊李之議合安公遂決策誅之蓋居不疑之地  
操可致之資其勢順也天之佑宋夫豈偶然哉

### 蜀士立功立節次第

武興之變立功者安觀文爲之主楊巨源李好義倡率忠義  
次之李貴手斬逆賊又次之若李好古安癸仲楊君玉李坤  
辰張林朱邦寧之徒協謀舉事又其次也立節者陳待制咸  
爲之首史次奉薰目避僞次之大安軍軍學教授李國博興宗棄郡  
而去又次之若王釜總領所主管文字李道傳蓬州州學教授皆不受曦之

招又其次也楊泰之羅江縣丞鄧性善健縣尉程遇孫知丹陵縣安之源

龍游文俱眉州司參軍宋子欽金州都統劉端友總領所措劉翊

之興道縣丞劉靖之監成都府糧料院楊汝明成府觀察張方普州教授家

大酉昭化縣主簿楊修年簡州教授梁梓隆州參軍詹久中漢州教授晁

子儀知縣錢元儒眉州司參軍龐坤載名山縣尉張權監德陽縣商稅鄧諫從

新知懷安軍袁柱新州知州楊鼎年知萬州改差制李莊知梁山軍改

程公說前邛州教授避偽去官又其次也以上立節之士共三十人文俱以上五人

係乞致仕張權以上十四人係見任去官袁柱以上二人係不赴新任李莊以上二人係不候替人程公說係不到部

死節者一人權大安軍楊震仲始終不奉行偽命者一人成

都帥臣楊端明也其餘拒偽歸朝如劉侍郎甲李校書煌稱

疾不視事如李侍郎寅仲等尚多有之曦叛時以李季允持

異諭僞帥祿祁令殺之會其已去乃得免

建炎以來朝野雜記卷九

乙集

建炎以來朝野雜記卷十

乙集

宋李心傳撰

時事三

誅曦將士共轉三十萬官資

復四州將士共轉四萬五千餘官資附

誅曦功賞自王喜下凡四百二十人有由副使建節者有由  
白身授員郎者又三路全軍約七萬人退轉或三官資或五  
官資

入隊人五官資不入隊人三官資

大抵共約轉三十萬官資錫賚不計

也復四州功賞自王喜李好義張林外凡一萬三千六百四  
十六人共轉四萬五千八百九十五官資王喜河池四千六  
百七十人共轉二萬三千八百官資李好義西和一千一百  
九十四人共轉七千八十三官資惠永鳳州三千五百三十